

蠶桑寔際

王約時紀韓來安遺政坊

韓桑扈際

光緒戊寅六月滂喜齋開雕

蠶桑實濟目錄

樹桑捷驗卷一

水深土厚高寒之處宜樹桑說

地卑水淺處甚宜樹桑說

河決水淹之地急宜樹桑說

家宅墳園宜樹桑說

種桑秧

接桑種

修桑條

培桑土

去桑蟲

種桑子法

盤桑條法

壓條分桑法

栽樹桑法

栽地桑法

散種地桑法

移栽小桑法

修科樹法

叉科樹法

接桑法

育蠶預備卷二

預收蠶食

預收簇科

預收蓐草

預收火料

預置火具

預織藁薦

預製桑剪

預製葉刀

預編葉筐

預編蠶筐

預織葉篩

預織蠶篩

預造蠶架

預織箔曲

預造蠶槌

預造蠶椽

預編蠶盤

預造蠶杓

預造蠶匙

預織蠶網

預養蠶貓

預製蒸籠

預造絲車

預造絲旺

預築蠶室

育蠶切忌卷三

忌寒冷

忌驟寒驟熱

忌西南風

忌倉卒開門

忌食濕葉及乾枯葉

忌食霧葉

忌食氣木葉

忌食黃沙葉

忌食肥葉

忌餒葉失時

忌沙燠不除

忌高拋遠擲

忌穢氣

忌香氣

忌燈油

忌面生人

育蠶急務卷四

立蠶母

祭先蠶

論蠶

擇種下子法

養種蠶

灑蠶種

浴蠶種法

醃種

養蠶總要

初蠶下蟻法

劈蟻法

裏種

窩種

子轉

報頭

收蠶

餵蠶

體蠶

頭眠飼法

停眠飼法

大眠飼法

上簇法

飼四起四眠蠶

摘繭法

蒸繭法

剝繭

分繭

繰絲法

繰水絲法

繰火絲法

謝蠶神說

蠶桑雜附卷五

綿繭蒸法紡法

腳踏紡車

種柘法

養熟蠶法

養柞蠶法

種木綿法

蠶桑補遺卷六

蟻葉核計

按時捕蟲

編簍貯葉

糝葉除溼

造製摺架

購買擡網

體刮須知

對時飼葉

臨眠取齊

量蟻備簇

擇繭防誤

火炕收繭

蠶桑實濟第一說

樹桑捷驗

桑乃蠶食桑葉不足不可飼蠶凡業蠶者必先盡樹藝之法且須辨別桑種若者宜蠶若者不宜蠶然後如法樹藝自然枝葉暢茂蠶利大興故先之以樹桑捷驗

水深土厚高寒之處宜樹桑說

水深土厚之地其宜桑不待言矣卽高燥寒冷之處無不

宜桑若以高燥無水不便灌漑宜槌杵造大潦池

或鑿地作水庫

腹大口小內周圍用木橪釘孔填以硬泥築極實連填築數次以不漏水爲上上用板蓋以蔽風日消耗

引積

雨水以便澆灌桑乃易生之物冬澆一水春澆二水夏澆

不過三水便活以後不用澆矣歲歲樹之數年之間可成桑林人若肯勤於培植任是高燥焉有不成之理有疑天氣寒涼養蠶不合時節者不知天下養蠶之處節氣原自不同總之有一最的實証驗但看桑上葉如茶匙大是其時也蠶不待煖而自生內外相應此自然之理也居水深土燥之地者宜詳之勿自誤

地卑水淺處甚宜樹桑說

地卑水淺種桑最易生活或插條或種子或壓枝不過三年即可獲利夫居濕地其田必貴恒種麥穀每畝卽收二石豐年不過值銀一兩有餘若使樹桑每畝歲可收九觔

絲值銀十餘兩如有田四五十畝可栽桑十餘畝卽逢熟年賣絲買穀豈非大益

河決水淹之地急宜樹桑說

每見沿河之地七八月間往往霖雨日久河水暴漲漂沒田禾惟桑柳雖被泥壅卻自無恙若水浸之地使盡栽桑樹每歲養蠶收絲反獲大利焉有乏食之苦意外之災蓋養蠶在春時多無雨水卽三月有水桑亦無害誠能廣布歲歲收絲卽禾苗難成亦補缺乏況蠶絲之利更數倍於五穀果肯依法培植雖沃土種穀者亦不及也

家宅墳園宜樹桑說

家中樹桑多者不惟得絲且宜婦人蓋桑本箕星之氣下映而生者箕乃女相之星下映其室婦人少病而無夭折之患況桑又能祛邪逐邪者用桑弓卽此義也如有陰陽術士妄談桑與喪同音樹之不吉者此愚迷無識之輩休聽信再於路旁門前場圃城壕悉爲種植不使有尺寸曠土則遍地皆錦繡之資矣

種桑秧

正月犁地一段挖成淺溝澆以糞水揀紫熟桑椹分散溝內土覆鬆泥乾則澆以清水至三月內必長桑秧到三年有指頭粗三四尺長可分種若低小柔桑近土處或有長

條於放葉正茂時攀倒用泥壓上其新發嫩梗浮露土面自能節節生枝次年嫩梗有二三尺高春分時將老桑條逐節剪斷其桑秧翦去上梢連根只長二尺餘置角牆根河岸田塍及空地內每離五六尺或一丈餘天可種一株種法掘坑一尺先用肥壅和水澆之然後種上取土填平踏緊再澆清水糞一遍自能存活至川省地土易於發生春間用桑條挿種亦可

接桑種

桑秧種過三年之後桑多而葉薄小是爲草桑必用移接之法葉方大而少桑椹宜於春分半月之中翦取別株

桑條四五寸用快刀削成藕劈尖頭在於本樹離地五六寸及一尺餘處所將桑皮兩邊帶斜割開如人字樣刀口約半寸長卽將藕劈朝外向皮開處插入使兩邊皮上滋水粘連封之以泥外包竹箬用草緊緊網縛清明節後卽活次年長成青條可將本樹上截鋸去二三年便成高大接桑

脩桑條

頭蠶採葉時全採其葉不剪其枝待生二葉又餵二蠶

南方

頭蠶畢又養二蠶然亦不多三蠶四蠶則更少

至二蠶採葉時桑條帶葉剪下然

亦須留一尺及二尺許不剪並擇其粗壯者一二枝全留

其葉如不養二蠶則頭蠶採葉時先將繁枝芟去或於來
年正月內修剪一次每枝除剪去外宜留一尺二尺許不
必剪

培桑土

桑地內如有細草發生必要鋤去每年二八月及冬月要
上肥壅牛羊騾馬之糞任土皆宜而培桑尤宜人糞若棉
餅菜餅荳餅之類更肥

去桑蟲

桑有蟲蠹便要枯死須於間時尋看見有蟲糞處卽是蛀
穴若深入者用鐵鑿鑿取其淺者用鐵絲插入殺之則桑

樹茂盛可無凋零之患矣

種秧以下五條尋常樹桑之法已備亦且簡便易行但種有美惡地有肥磽可必其生未可必其旺卽旺矣而所飼之蠶未必繭堅多絲固不如楊氏之法至周且密行之確有成效也特將楊雙山幽風廣義種子盤條壓枝栽接修科六法備錄於左

種桑子法

桑乃箕星之精其字從叒叒乃東方之地多生榑桑乃蠶食之神木故叒下加木以別之爲衣被之源其功最神爲世大寶種類甚多有柔桑葉如紬帛豐厚而軟有縶桑卽